



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 561 Usque Ad Annum 633

**Fleury, Claude**

**August. Vind. [u.a.], 1759**

**VD18 90117832**

§.8. Maximus Salonensis subjicitur.

---

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

abdicare, & intra Monasterii claustra cul-  
 pam eluere vellet. Ad eum S. Grego-  
 rius scribens dicit; quod ipsum in suam  
 Communionem & Paternum affectum  
 recipiat, hortaturque, ut gregis sui cu-  
 stodiam non dimittat, sed omnibus viri-  
 bus illos, qui a Communione Ecclesiæ  
 fuissent separati, reducere adlaboret.

Sæculum VI.  
 A. C. 599.

VII. ep. 12.  
 ind. 1.

§. VIII.

*Maximus Salonensis subicitur.*

Conjicere pronum est, Maximum Sa-  
 lonensem in sua pervicacia a Roma-  
 no Exarcho, viro Summo Pontifici in-  
 fenso, non parum fuisse confirmatum,  
 cum sub ejus Successore Callinico victas  
 manus dederit. Hac de re S. Gregorius  
 ad Marinianum Ravennatensem circiter  
 mense Nov. anno 598. Indictione secun-  
 da scripsit in hunc modum: *Callinicus  
 Exarchus scribere ad me non cessat, ut  
 Maximo ignoscam. Ejus frequentissimis  
 Epistolis fatigatus, quid aliud facere po-  
 tui, quam hanc Causam ad te delegare?  
 Si igitur Maximus se tibi submittat, Ho-  
 noratus quoque ejusdem Ecclesiæ Archi-  
 diaconus ad idem Judicium deducatur, ut  
 cognoscere possis, an Maximus legitime  
 ordinatus fuerit, an Simoniacæ, vel Impu-  
 dicitæ reus sit, an ignoraverit, se fuisse  
 excommunicatum, quando Missam cele-  
 brare ausus est, & tunc, quod tibi coram*  
*Hist. Eccles. Tom. VIII. Hh Deo*

VII. ep. 10.  
 ind. 2.

Sæculum VI. Deo visum fuerit, decernes, nos vero  
 A. C. 599. dicium tuum ratum habebimus. Si fu-

tasse Exarcho suspectus sis, Venerabilis  
 Frater noster Constantius Episcopus Me-  
 diolanensis Ravennam advocetur, & tecum  
 in Iudicio sedeat. Ceterum certissimè  
 sitis, me Sententiæ vestræ, quam simul  
 VII. ep. 69. pronunciaveritis, accessurum. Eadem  
 de re etiam ad Constantium Mediolanensem scripsit.

VII. ep. 81. Cum Maximus Ravennam venisset,  
 S. Gregorius illuc misit Castorium Eccle-  
 siæ Romanæ Chartularium cum hoc  
 mandato: Si Maximus, Iudice id po-  
 scente, coram Corpore S. Apollinaris ob  
 objecta sibi Simonia aliisque criminibus  
 juramento se purgaverit, & ob inobedi-  
 entiam pœnitentiam subierit, eum con-  
 solaberis tradita Epistola, quam scripsimus.  
 Id vero urgebis maxime, ne contra  
 Sabinianum Episcopum Zaranum, contra  
 Honoratum Archidiaconum, aliosque,  
 qui S. Sedem adierunt, in animo vincula  
 etiam coquat. Papa Mariniani arbitrio  
 relinquebat modum Pœnitentiæ, quæ  
 ipsi injungenda erat, quod Missam excom-  
 municatus celebrasset. Epistolæ hæc  
 mensè Julio Indictione secunda seu anno  
 599. datæ sunt.

Postquam Castorius Ravennam pe-  
 venit, & quid sibi demandatum fuisset  
 exposuit, Maximus Salonensis super pœ-  
 nitenti-

vimento in medio Civitatis prostratus Sæculum VI,  
A. C. 599.  
clamabat: *Peccavi in Deum & in Beatum Papam Gregorium!* Cumque in isto Pœnitentium habitu tribus horis perseverasset, Callinico Exarcho, Castorio Chartulario & Mariniano Episcopo accurrentibus, ipse surgens iterum coram omnibus veræ Pœnitentiæ signa edidit. Tum ad Corpus S. Apollinaris perductus juravit, innocentem se esse in iis omnibus, quæ sibi de amore mulierum & Simonia fuissent objecta. Istud profiten-  
ti Castorius Papæ Epistolam reddidit, qua eundem ad suam Communionem tanquam carissimum Fratrem recipiebat, & Pallium concedebat, si Delegatum, ut consuetudo postulabat, ad illud petendum mitteret, addiditque, ipsum Callinico Exarcho gratias sane maximas debere. Castorium Romam redeuntem comitatus est aliquis ex Diaconis Maximi, qui omnia, sicut acta erant, retulit, Palliumque accepit cum Epistola ad Maximimum data, in qua Papa sibi omnino satisfactum fuisse dicit, atque hortatur, ut cum Sabiniano Episcopo, Honorato Arenidiacono, & Clerico, nomine Messiano, qui Romam confugerat, sincere in gratiam rediret. Hoc modo Causa ista septimo Cal. Sept. Indictione secunda id est 26. Aug. anno 599. finita.

VII. ep. 130.

H h 2

§. IX.